

# Clásail chaighdeánacha le haghaidh bunreachtanna eagraíochtaí (seachas cuideachtaí) agus iontaobhais

## Ioncam agus Maoin

Ní chuirfear ioncam agus maoin an iontaobhais / an chomhlachta i bhfeidhm ach amháin chun an cuspóir / na cuspóirí a chur chun cinn mar atá leagtha amach sa Ghníomhas Iontaobhais / Bunreacht / Rialacha seo. Ní dhéanfar aon sciar d'ioncam agus de mhaoin an iontaobhais / an chomhlachta a íoc nó a aistriú go díreach nó go hindíreach trí dhíbhinn, bónas nó ar bhealach eile cibé caoi trí bhrabús do chomhaltaí an iontaobhais / an chomhlachta. Ní cheapfar aon iontaobhaí carthanais\* chun aon oifige de chuid an iontaobhais / an chomhlachta a íocfar le tuarastal nó táillí, ná ní bhfaighidh sé aon luach saothair ná sochar eile in airgead ná i luach airgid ón iontaobhais / ón gcomhlacht. Mar sin féin, ní chuirfidh aon ní cosc ar aon íocaíocht de mheon macánta ag iontaobhas / comhlacht:

- a) luach saothair réasúnta agus cuí le haon chomhalta nó seirbhíseach de chuid an iontaobhais / an chomhlachta (nach iontaobhaí carthanais) as aon seirbhísí a soláthraíodh don iontaobhas / don chomhlacht;
- b) ús ar ráta nach sáraíonn 1% os cionn Ráta Táirgthe Idirbhainc an Euro (Euribor) sa bhliain ar airgead a thug iontaobhaithe carthanais nó baill eile den iontaobhas / comhlacht ar iasacht don iontaobhas / comhlacht;
- c) cíos réasúnta agus cuí ar áitreabh a lig aon chomhalta den iontaobhais / comhlacht ar fhorléas agus ar léas (lena n-áirítear aon iontaobhaí carthanais) leis an iontaobhas / comhlacht;
- d) costais réasúnacha chuí as póca arna dtabhú ag aon iontaobhaí carthanais i ndáil lena bhfreastal ar aon ní a bhaineann leis an iontaobhas / comhlacht;
- e) táillí, luach saothair nó sochar eile in airgead nó i luach airgid le haon Chuideachta a bhféadfadh iontaobhaí carthanais a bheith ina c(h)omhalta di nach sealbhaíonn breis agus an céadú cuid de chaipiteal eisithe na Cuideachta sin;
- f) Ní chuirfidh aon ní cosc ar an gComhlacht aon íocaíocht a dhéanamh le duine de bhun comhaontú inar iontráladh i gcomhlíonadh alt 89 d'Acht na gCarthanais, 2009 (i gcaitheamh an trátha a bhíonn sé leasaithe, sínte nó ionadaithe).

\*iontaobhaí carthanais mar a shainmhínítear in alt 2(1) d'Acht na gCarthanais, 2009

## Breiseanna, athruithe nó leasuithe

Ní mór don eagraíocht a chinntiú go bhfuil cóip ag an Rialálaí Carthanais dá ionstraim rialála is déanaí. Má bheartaítear leasú a dhéanamh ar ionstraim rialála na heagraíochta, rud a theastaíonn faomhadh roimh ré a fháil ón Rialálaí Carthanais, ní mór fógra roimh ré a thabhairt, i scríbhinn, faoi na hathruithe beartaithe don Rialálaí Carthanais chun iad a fhaomhadh agus ní chuirfear an leasú i bhfeidhm go dtí go bhfaightear an faomhadh sin.

## Foirceannadh

Más ann d'aon mhaoin, dá laghad, i ndiaidh gach dliteanas agus fiachas a shásamh, ní íocfar í nó ní dhéanfar í a dháileadh i measc chomhaltaí iontaobhais / an chomhlachta, ar fhoirceannadh nó ar dhíscaoileadh an iontaobhais / an chomhlachta. Ina ionad sin, déanfar an mhaoin sin a thabhairt nó a aistriú chuig institiúid charthanúil nó institiúidí carthanúla eile a bhfuil príomhchuspóirí acu atá macasamhail príomhchuspóirí an iontaobhais / an chomhlachta. Cuirfidh an institiúid nó na hinstiúidí, a bhfuil an mhaoin le tabhairt dóibh nó a aistriú chucu, cosc ar dháileadh a n-ioncaim agus a maoine i measc a gcomhaltaí dá mhéid sin, ar a laghad, chomh mór agus a fhorchuirtear ar an iontaobhais / an chomhlachta faoin gclásal Ioncaim agus Maoine nó dá

bhua de seo. Roghnóidh comhaltaí an iontaobhais / an chomhlacta an institiúid nó na hinstitiúidí ábhartha ag tráth an díscailte nó roimhe, agus dá mhéid nach féidir éifeacht a thabhairt do na forálacha siúd, tabharfar nó aistreofar an mhaoin chuig cuspóir carthanúil áirithe le comhaontú an Rialóra Carthanas. Ullmhófar agus seolfar ar aghaidh cuntais deiridh, lena n-áireofar mír a shainaithníonn agus a dhéanann luacháil ar aon sócmhainní a aistrítear mar aon leis na sonraí faoi na faighteoirí agus téarmaí an aistrithe.

### **Cuntais a Choimeád**

Coimeádfar Cuntais Bhliantúla agus cuirfear ar fáil do na Coimisinéirí Ioncaim iad ar iarratas. Sa chás gur mó an ioncam comhlán bliantúil ná €250,000, déanfar iniúchadh ar na cuntais.

Ní comhairle ghairmiúil atá sa doiciméad seo ach treoir amháin, agus níor cheart a mheas gur comhairle dhlíthiúil é ach an oiread. Níor chóir glacadh leis gur treoir chuimsitheach é, ná go dtugann sé freagra cinntitheach i ngach cás.